

০৯ নম্বর প্রশ্নে ‘ক’ অংশে ই-মেইল এবং ‘খ’-এর বিকল্প হিসেবে ‘খ’তে আবেদনপত্র লিখন থাকবে। নিম্নে প্রদত্ত ই-মেইল, পত্রলিখন অনুশীলন করলে বোর্ড পরীক্ষায় আমরা ভালো লিখতে পারব ইনশাআল্লাহ।

# উচ্চ-মাধ্যমিক পরীক্ষা ২০২৫ এর জন্য সম্ভাব্য প্রশ্ন

ক) ই-মেইল/বৈদ্যুতিন চিঠি

১. বন্ধুর পিতৃবিয়োগে তাকে সাহায্য জানিয়ে একটি বৈদ্যুতিন চিঠি লেখো। (দি.বো-২৪; রা.বো-২৩)
২. তোমার বোনের বিয়েতে নিমন্ত্রণ জানিয়ে বন্ধুকে একটি ই-মেইল লেখো। (দি.বো-২৩)
৩. পরীক্ষায় ভালো ফলাফল করার উৎসাহ দিয়ে ছোটো ভাইকে একটি ই-মেইল লেখো। (য.বো-২৩)
৪. ইন্টারনেট ব্যবহারের সুফল-কুফল সম্পর্কে পরামর্শ জানিয়ে ছোট ভাইকে একটি বৈদ্যুতিন চিঠি লেখো। (ব.বো-২৩)
৫. মোবাইল ফোনের সুফল-কুফল সম্পর্কে পরামর্শ দিয়ে ছোটো ভাইকে প্রেরণের জন্য একটি বৈদ্যুতিন চিঠি লেখো। (ব.বো-২৪)
৬. বাংলা নববর্ষ উদযাপনের বৈচিত্র্য তুলে ধরে/ শুভেচ্ছা জানিয়ে প্রবাসী বন্ধুকে বৈদ্যুতিন চিঠি পাঠাও। (ম.বো-২৩; কু.বো-২৩; সি.বো-২৩)
৭. বই পড়ার গুরুত্ব বিষয়ে পরামর্শ দিয়ে তোমার ছোটো ভাইকে একটি বৈদ্যুতিন চিঠি লেখো। (ঢা.বো-২৪)
৮. শিক্ষাসফরে যাওয়ার আমন্ত্রণ জানিয়ে তোমার বন্ধুর নিকট একটি বৈদ্যুতিন চিঠি লেখো। (ঢা.বো-২৩, রা.বো-২৪)
৯. তোমার দেখা কোনো সড়ক দুর্ঘটনার বিষয় জানিয়ে বন্ধুকে একটি বৈদ্যুতিন পত্র প্রেরণ করো। (ম.বো-২৪)
১০. তোমার বন্ধুর জন্মদিনে শুভেচ্ছা জানিয়ে তাকে একটি বৈদ্যুতিন চিঠি লেখো। (য.বো-২৪)
১১. সম্প্রতি তোমার পড়া কোনো বই সম্পর্কে বন্ধুকে একটি বৈদ্যুতিন চিঠি লেখো। (কু.বো-২৪)
১২. কক্সবাজার সমুদ্র সৈকতে বেড়ানোর অভিজ্ঞতা জানিয়ে তোমার প্রবাসী বন্ধুকে একটি বৈদ্যুতিন চিঠি লেখো। (চ.বো-২৪)
১৩. ভূমিকম্পকালীন করণীয় সম্পর্কে বন্ধুর প্রতি একটি ই-মেইল রচনা করো। (চ.বো-২৩)
১৪. বিশ্ববিদ্যালয়ের ভর্তি প্রক্রিয়া সম্পর্কে জানতে চেয়ে বিশ্ববিদ্যালয়ের রেজিস্ট্রার বরাবর একটি ই-মেইল লেখো।
১৫. দুর্ঘটনায় আহতদের সাহায্যার্থে রক্ত ও প্রয়োজনীয় আর্থিক সহায়তা চেয়ে বন্ধুদের প্রেরণের জন্য ই-মেইল রচনা করো।
১৬. মোবাইল ফোনের অপব্যবহারের ক্ষতিগুলো উল্লেখ করে বন্ধুদের প্রেরণের জন্য একটি ই-মেইল রচনা করো।
১৭. তোমার দেখা বাংলাদেশের কোনো একটি গ্রামের প্রাকৃতিক সৌন্দর্যের বর্ণনা দিয়ে প্রবাসী বন্ধুকে ই-মেইল পাঠাও।

অথবা

খ) আবেদনপত্র লিখন

১. সরকারি মাধ্যমিক বিদ্যালয়ের ‘সহকারী শিক্ষক’ পদে নিয়োগলাভের জন্য একটি আবেদনপত্র লেখো। (চ.বো-২৪)
২. প্রাথমিক বিদ্যালয়ের ‘সহকারী শিক্ষক’ পদে নিয়োগলাভের জন্য একটি আবেদনপত্র লেখো। (রা.বো-২৪; দি.বো-২৩; সি.বো-২৩)
৩. কলেজে বিতর্ক প্রতিযোগিতা আয়োজনের অনুমতি চেয়ে অধ্যক্ষের নিকট একটি আবেদনপত্র লেখো। (য.বো-২৪; কু.বো-২৩)
৪. শিক্ষাসফরে যাওয়ার অনুমতি ও প্রয়োজনীয় সহায়তা চেয়ে প্রধান শিক্ষকের নিকট আবেদনপত্র লেখো।  
(ঢা.বো-২৪; ম.বো-২৪; রা.বো-২৩; য.বো-২৩; চ.বো-২৩; ব.বো-২৪)
৫. কোনো বাণিজ্যিক প্রতিষ্ঠানে ‘বিপণন কর্মকর্তা’/ অফিস সহকারী পদে নিয়োগলাভের জন্য আবেদনপত্র লেখো। (কু.বো-২৪; সি.বো-২৩)
৬. তোমার এলাকার রাস্তাঘাট নিয়মিত পরিষ্কার রাখার জন্য পৌরসভার মেয়রের নিকট আবেদনপত্র লেখো। (ঢা.বো-২৩)
৭. শহরের যানজট নিরসনে যথাযথ কর্তৃপক্ষের দৃষ্টি আকর্ষণ করে পত্রিকায় প্রকাশের জন্য একটি আবেদনপত্র লেখো। (ম.বো-২৩)
৮. ডেঙ্গু মশা প্রাদুর্ভাবের আশঙ্কা জানিয়ে নিয়মিত কলেজ ক্যাম্পাস পরিচ্ছন্ন রাখার জন্য অধ্যক্ষ বরাবর আবেদনপত্র লেখো। (দি.বো-২৪)
৯. তোমার এলাকায় ডেঙ্গুজ্বর প্রতিরোধে ব্যবস্থা গ্রহণের আবেদন জানিয়ে মেয়র/চেয়ারম্যানের কাছে আবেদনপত্র লেখো।
১০. তোমার এলাকায় পাঠাগার স্থাপনের জন্য মেয়র/কাউন্সিলর বরাবর একটি আবেদনপত্র লেখো।

সমাধান: ই-মেইল/বৈদ্যুতিন চিঠি

১. বন্ধুর পিতৃবিয়োগে তাকে সাঙ্ঘনা জানিয়ে একটি বৈদ্যুতিন চিঠি লেখো।

From :	sajib@gmail.com
To :	rajibo8@gmail.com
Cc :	
Bcc :	
Subject:	পিতৃবিয়োগের সমবেদনা প্রসঙ্গে
<p>প্রিয় সজীব,</p> <p>তোমার পিতার মৃত্যু সংবাদে হৃদয়টা বেদনায় ভরে উঠল। তোমার কষ্টটা আমি বুঝতে পারছি। এ মুহূর্তে তোমাকে সাঙ্ঘনা দেবার ভাষা আমার জানা নেই। তবুও বলি- ভেঙে পড়ো না বন্ধু, ধৈর্য ধরো। মরণশীল মানুষের সবাইকেই এক এক করে চলে যেতে হবে। নির্মম হলেও এটাই সত্য। আল্লাহ তোমাকে এ শোক সহিবার শক্তি দিক। দোয়া করি তোমার পিতার বিদেহ আত্মাকে আল্লাহ শান্তি দান করুন। আমি শীঘ্রই তোমার সাথে দেখা করব।</p> <p>তোমার বন্ধু রাজীব</p>	

২. তোমার বোনের বিয়েতে নিমন্ত্রণ জানিয়ে বন্ধুকে একটি ই-মেইল লেখো।

From :	Shakhawat224@gmail.com
To :	Najib88@gmail.com
Cc :	
Bcc :	
Subject:	বড় বোনের বিয়েতে নিমন্ত্রণ
<p>সুপ্রিয় নাজিব,</p> <p>আমার প্রীতি ও শুভেচ্ছা নিও। আশা করি, তুমি ভালো আছ। আমিও মহান আল্লাহর কৃপায় ভালো আছি। অনেক দিন তোমাকে লিখতে না পারার কারণে তুমি নিশ্চয়ই মন খারাপ করে আছো। তুমি তো জানোই কিছুদিন যাবৎ পরীক্ষা নিয়ে খুব ব্যস্ত ছিলাম। তুমি জেনে আনন্দিত হবে যে, আসছে ২০ ডিসেম্বর আমার বড়ো বোনের বিয়ের দিন ধার্য করা হয়েছে। তুমি অবগত আছ যে, আমার বাবা ও আমি ছাড়া সংসারে দায়িত্ব পালন করার মতো কেউ নেই। বিয়ের কেনাকাটা থেকে শুরু করে শেষ পর্যন্ত সবকিছু আমাদেরকেই সামলাতে হবে। এ নিয়ে আমি খুব চিন্তিত। বাবার শরীরটা ইদানীং বেশি ভালো যাচ্ছে না। এজন্য আমি আরো বেশি উদ্বিগ্ন। বিয়ের অনুষ্ঠানে প্রায় চারশ লোকের সমাগম হবে। এর জন্যও দরকার সুষ্ঠু তদারকির ব্যবস্থা করা। সবমিলিয়ে কিংকর্তব্যবিমূঢ় হয়ে পড়েছি। তাই তোমার প্রতি জোর অনুরোধ চিঠি পাওয়ামাত্র তুমি আমাদের বাড়িতে চলে এসো। তুমি এলে দুজনে পরিকল্পনা ও ভাগাভাগি করে কাজগুলো করবো।</p> <p>তোমার আশ্রয়-আব্বাকে আমার শ্রদ্ধা জানিও, ছোটদের প্রতি আমার স্নেহ রইল।</p> <p>ইতি তোমারই বন্ধু সাখাওয়াত হোসেন</p>	

৩. পরীক্ষায় ভালো ফলাফল করার উৎসাহ দিয়ে ছোটো ভাইকে একটি ই-মেইল লেখো।

From :	Siam108@gmail.com
To :	Tarif02@gmail.com
Cc :	
Bcc :	
Subject:	পরীক্ষায় ভালো ফলাফল প্রসঙ্গে

স্নেহের তারিফ,

আমার স্নেহ-শুভেচ্ছা নিও। আশা করি ভালো আছো। তোমাকে ঢাকায় কষ্ট করে একা একা থাকতে হয় শুধু তোমার সুন্দর ভবিষ্যতের জন্য। আমি জানি তুমি নিয়মিত পড়াশোনা কর; তবুও বলি- পরীক্ষায় ভালো করার উত্তম উপায় হলো লেখাপড়ায় মনোযোগী হওয়া ও আত্মবিশ্বাস রাখা। মনে রাখবে, জীবনে কর্মের তুলনায় সময় কম, তাই সময়ের অপব্যবহার করবে না। মুখস্থ করার চেয়ে বুঝে পড়ার গুরুত্ব অনেক বেশি। পড়া বুঝতে অসুবিধা হলে শিক্ষকের সাথে আলোচনা করে নেবে। নিয়মিত রুটিনমাসিক পড়াশোনা করলে নিশ্চয়ই ভালো করবে। বিজ্ঞান ছাড়া বর্তমান বিশ্ববাসী অচল। বিজ্ঞান বিষয়ে অধিক মনোযোগী ও আগ্রহী হতে হবে। পাশাপাশি ইংরেজির প্রতিও অধিক গুরুত্ব দিতে হবে। নিয়মিত পত্র-পত্রিকা পড়বে, তাতে সাম্প্রতিক আবিষ্কার সম্পর্কে তথ্যনির্ভর জ্ঞানার্জন করতে পারবে। লেখাপড়ার মধ্য দিয়ে তোমাকে একজন যোগ্য মানুষ হিসেবে নিজেকে গড়ে তুলতে হবে।

কোনোকিছুর প্রয়োজন হলে জানাবে। তোমার সার্বিক মঙ্গল, কল্যাণ ও সাফল্য কামনা করি।

তোমার বড়ো ভাই

সিয়াম

**৪. ইন্টারনেট ব্যবহারের সুফল-কুফল সম্পর্কে পরামর্শ জানিয়ে ছোট ভাইকে একটি বৈদ্যুতিন চিঠি লেখ।\*\*\*\***

From :	sajib@gmail.com
To :	rajibo8@gmail.com
Cc :	
Bcc :	
Subject:	ইন্টারনেট ব্যবহারের সুফল ও কুফল

স্নেহের রাজিব,

আমার স্নেহ ও ভালোবাসা নিও। আশা করি ভালো আছ। বর্তমান তথ্যপ্রযুক্তির যুগে যোগাযোগ, শিক্ষা, চিকিৎসা, গবেষণা প্রতিটি ক্ষেত্রেই ইন্টারনেটের প্রয়োজন। ইন্টারনেটনির্ভর পর প্রতিটি কাজে নিজেকে এগিয়ে নেওয়ার জন্য তোমাকেও ইন্টারনেটের সঠিক ব্যবহার জানতে হবে। যে কাজগুলো করতে আমাদের অনেক সময় লাগত তা ইন্টারনেটের মাধ্যমে দ্রুত সম্পন্ন করা যায়। ইন্টারনেটের সঠিক ব্যবহারের মাধ্যমে তুমি বিদেশে পড়াশোনার সঠিক দিকনির্দেশনা সহজেই পাবে। ইন্টারনেটের সুফলের পাশাপাশি কিছু কুফলও রয়েছে। যেমন: অন্ত্রীল ছবি, জুয়া খেলা, ব্ল্যাকমেল করা, ভাইরাস ছড়িয়ে দেওয়া ইত্যাদি বিষয় থেকে তোমাকে দূরে থাকতে হবে। ইন্টারনেটের ভালো-মন্দ বিষয়গুলো নির্ভর করবে তোমার ব্যবহারের ওপর। আশা করি ইন্টারনেটের ভালো দিকগুলোই তুমি সাগ্রহে গ্রহণ করবে। ভালো থাকো।

তোমার বড় ভাই

সজীব

**১৫. দুর্ঘটনায় আহতদের সাহায্যার্থে রক্ত ও প্রয়োজনীয় আর্থিক সহায়তা চেয়ে বন্ধুদের প্রেরণের জন্য ই-মেইল রচনা কর।\*\*\***

From :	pathan@gmail.com
To :	mahin@gmail.com, yameen@gmail.com, bablu@gmail.com, sumona.01@gmail.com
Cc :	Jus.president@gmail.com
Bcc :	
Subject:	রক্ত ও প্রয়োজনীয় আর্থিক সহায়তা

বন্ধুরা,

আজ সকালে কলেজে আসার সময় আমাদের বন্ধু মিজান মারাত্মক সড়ক দুর্ঘটনার শিকার হয়। দ্রুত তাকে হাসপাতালে নেওয়া হলেও এখনো সে শঙ্কামুক্ত নয়। প্রচুর রক্তক্ষরণের কারণে জরুরী ভিত্তিতে তাকে রক্ত দেওয়া প্রয়োজন। রক্তের গ্রুপ এবি নেগেটিভ (AB-)। রক্তের পাশাপাশি তার চিকিৎসার জন্য অনেক টাকা প্রয়োজন। যা তার গরিব বাবা-মায়ের পক্ষে জোগাড় করা কষ্টসাধ্য। তাই তার জন্য আর্থিক সাহায্য কামনা করছি। মিজান এখন ঢাকার মাতৃছায়া হাসপাতালে ভর্তি রয়েছে। রক্ত ও আর্থিক সহায়তার জন্য 01\*\*\*\*\* নম্বরে যোগাযোগ করার অনুরোধ করছি।

শামীম পাঠান

## সমাধান: আবেদনপত্র

### ১. সরকারি মাধ্যমিক বিদ্যালয়ের 'সহকারী শিক্ষক' পদে নিয়োগলাভের জন্য একটি আবেদনপত্র লেখ।

১৩ জুলাই ২০২১

বরাবর

প্রধান শিক্ষক

সারদা পাইলট হাইস্কুল

সারদা, কুড়িগ্রাম।

বিষয়: সহকারী শিক্ষক পদে নিয়োগের জন্য আবেদন।

জনাব,

সম্মান প্রদর্শনপূর্বক সবিনয় নিবেদন এই যে, গত ৩০ জুন ২০২১ তারিখের 'দৈনিক প্রথম আলো'-এ প্রকাশিত বিজ্ঞাপনের মাধ্যমে জানতে পারলাম যে, আপনার স্কুলে একজন সহকারী শিক্ষক নিয়োগ করা হবে। আমি উক্ত পদের একজন প্রার্থী হিসেবে আবেদন করছি। নিচে আমার শিক্ষাগত যোগ্যতাসহ যাবতীয় বিবরণ উল্লেখ করা হলো:

ব্যক্তিগত তথ্য:

১। নাম : রেজাউল করিম।

২। পিতার নাম : আব্দুল আজিজ।

৩। মাতার নাম : আমেনা বেগম।

৪। জন্ম তারিখ : ১৫ নভেম্বর ১৯৮৯।

৫। জাতীয়তা : বাংলাদেশি।

৬। ধর্ম : ইসলাম।

৭। বৈবাহিক অবস্থা : অবিবাহিত। ৮। বর্তমান ঠিকানা : ২১৭, পাইকপাড়া, মিরপুর ১১, ঢাকা।

৯। স্থায়ী ঠিকানা : গ্রাম- বাগভাণ্ডার, পোস্ট+থানা: ভূরঙ্গামারী, জেলা: কুড়িগ্রাম।

১০। শিক্ষাগত যোগ্যতা :

পরীক্ষার নাম	বিভাগ/বিষয়	পাশের সাল	বোর্ড/ বিশ্ববিদ্যালয়	ফলাফল
এসএসসি	বিজ্ঞান	২০০৬	রাজশাহী	৪.৬৩
এইচএসসি	বিজ্ঞান	২০০৮	রাজশাহী	৩.৮০
স্নাতক	বাংলা	২০১২	রাজ. বিশ্ববিদ্যালয়	৩.১০
স্নাতকোত্তর	বাংলা	২০১৩	রাজ. বিশ্ববিদ্যালয়	৩.০০

১১। অভিজ্ঞতা : একটি জুনিয়র হাইস্কুলে সহকারী শিক্ষক হিসেবে গত তিন বছর যাবৎ শিক্ষকতা করে আসছি।

অতএব উপযুক্ত যোগ্যতা ও অভিজ্ঞতার পরিপ্রেক্ষিতে অনুগ্রহপূর্বক আমাকে উক্ত পদে নিয়োগের জন্য বিবেচনা করলে বাঞ্ছিত হবে।

বিনীত —

রেজাউল করিম।

সংযোজন:

১। পরীক্ষার মূল সনদের সত্যায়িত অনুলিপি- ৪ কপি।

২। নাগরিকত্ব ও চারিত্রিক সনদের সত্যায়িত ফটোকপি- ২ কপি।

৩। অভিজ্ঞতা সনদের সত্যায়িত ফটোকপি- ১ কপি।

৪। সত্যায়িত পাসপোর্ট সাইজ ছবি- ৩ কপি।

৫। ব্যাংক ড্রাফট (ব্যাংকের নাম: সোনালী ব্যাংক; জমাকৃত টাকার পরিমাণ ৫০০; রশিদ নম্বর ২১৭।)

৪. শিক্ষা সফরে যাওয়ার অনুমতি ও প্রয়োজনীয় সহায়তা চেয়ে প্রধান শিক্ষকের নিকট আবেদনপত্র লেখ।

তারিখ : ১১-০১-২০২১

বরাবর

অধ্যক্ষ

সরকারি বি এল কলেজ

দৌলতপুর, খুলনা।

বিষয়- শিক্ষাসফরে যাওয়ার অনুমতি প্রসঙ্গে।

জনাব,

বিনীত নিবেদন এই যে, আমরা আপনার কলেজের দ্বাদশ শ্রেণির বিজ্ঞান বিভাগের ছাত্র-ছাত্রী। পড়াশোনার পাশাপাশি প্রত্যক্ষ জ্ঞান অর্জনের জন্য আমাদের কলেজ থেকে প্রতি বছর শিক্ষা সফরের আয়োজন করা হয়ে থাকে। অন্যান্য বছরের মতো এ বছরও বিজ্ঞান বিভাগ থেকে ৮০ জন শিক্ষার্থীর শিক্ষা সফরে যাওয়ার ইচ্ছা রয়েছে। শিক্ষা সফরের স্থান হিসেবে বাগেরহাটের ঐতিহ্যবাহী ষাট গম্বুজ মসজিদ পরিদর্শনের আগ্রহ প্রকাশ করছি। শিক্ষা সফরে যাওয়ার অনুমতি প্রদান ও সফরের ব্যয় নির্বাহের জন্য কলেজ তহবিল থেকে আর্থিক সহায়তার বিষয়ে আপনার সুবিবেচনা একান্ত কাম্য।

অতএব, মহোদয়ের নিকট বিনীত নিবেদন, শিক্ষা সফরে যাওয়ার অনুমতি ও প্রয়োজনীয় অর্থ সহায়তা করলে আমরা আপনার নিকট বিশেষভাবে বাধিত থাকব।

বিনীত নিবেদক

দ্বাদশ শ্রেণির বিজ্ঞান বিভাগের শিক্ষার্থীদের পক্ষে

মোহাম্মদ আবু রায়হান

সরকারি বি এল কলেজ

দৌলতপুর, খুলনা।

সংযুক্তি:

১. শিক্ষা সফরে গমনেচ্ছু শিক্ষার্থীদের নামের তালিকা- ১ সেট।

৫. কোনো বাণিজ্যিক প্রতিষ্ঠানে ম্যানেজার/বিপণন কর্মকর্তা/ব্যবস্থাপক পদের পদে নিয়োগলাভের জন্য আবেদনপত্র লেখো।

১০ মার্চ ২০২১

বরাবর

পরিচালক

বিআইটি রাজশাহী।

বিষয় : ম্যানেজার/বিপণন কর্মকর্তা/ব্যবস্থাপক পদের জন্য আবেদন।

জনাব,

সবিনয় নিবেদন এই যে, গত ফেব্রুয়ারি মাসের ২৪ তারিখের 'দৈনিক ইত্তেফাক'-এ কর্মখালি বিভাগে দেখতে পেলাম আপনার প্রতিষ্ঠানে একজন বিপণন কর্মকর্তা নিয়োগ করা হবে। আমি উক্ত পদের জন্য একজন আগ্রহী প্রার্থী। আপনার সুবিবেচনার জন্য আমার শিক্ষাগত যোগ্যতাসহ যাবতীয় বিবরণ নিচে পেশ করলাম।

ব্যক্তিগত তথ্য :

১। নাম : মতিলাল সমাদ্দার।

২। পিতার নাম : নিরঞ্জন সমাদ্দার।

৩। মাতার নাম : নীহারিকা সমাদ্দার।

৪। জন্ম তারিখ : ১ জানুয়ারি ১৯৯০।

৫। জাতীয়তা : বাংলাদেশি।

৬। ধর্ম : সনাতন।

৭। বৈবাহিক অবস্থা : বিবাহিত।

৮। বর্তমান ঠিকানা : ৩০/১, মিরপুর, ঢাকা।

৯। স্থায়ী ঠিকানা : গ্রাম: রামপ্রসাদের চর, পোস্ট: রামনগর, থানা: মেঘনা, জেলা: কুমিল্লা।

১০। শিক্ষাগত যোগ্যতা :

পরীক্ষার নাম	বিভাগ/বিষয়	পাশের সাল	বোর্ড/বিশ্ববিদ্যালয়	ফলাফল
এসএসসি	বিজ্ঞান	২০০৬	রাজশাহী	৪.৬৩
এইচএসসি	বিজ্ঞান	২০০৮	রাজশাহী	৩.৮০
স্নাতক	বাংলা	২০১২	রাজ. বিশ্ববিদ্যালয়	৩.১০
স্নাতকোত্তর	বাংলা	২০১৩	রাজ. বিশ্ববিদ্যালয়	৩.০০

১১। অভিজ্ঞতা: একটি প্রকাশনা প্রতিষ্ঠানে দুবছর যাবৎ বিপণন কর্মকর্তা পদে নিয়োজিত আছি।

অতএব মহোদয় সমীপে প্রার্থনা, আমাকে উক্ত পদে নিয়োগ দিয়ে বাধিত করলে যোগ্যতার সঙ্গে নিজ দায়িত্ব পালন করে আপনার আস্থাভাজন হব।

নিবেদক,

মতিলাল সমাদ্দার।

সংযুক্তি:

১। পরীক্ষার মূল সনদের সত্যায়িত অনুলিপি- ৪ কপি।

২। নাগরিকত্ব ও চারিত্রিক সনদের সত্যায়িত ফটোকপি- ২ কপি।

৩। অভিজ্ঞতা সনদের সত্যায়িত ফটোকপি- ১ কপি।

৪। সত্যায়িত পাসপোর্ট সাইজ ছবি- ৩ কপি।

**১০. তোমার এলাকায় পাঠাগার স্থাপনের জন্য মেয়র/কাউন্সিলর বরাবর একটি আবেদনপত্র লেখো।**

১০ ই ফেব্রুয়ারি ২০২১

বরাবর

উপজেলা চেয়ারম্যান

গোদাগাড়ী উপজেলা পরিষদ

রাজশাহী।

বিষয়: গোদাগাড়ী পূর্বপাড়ায় একটি পাঠাগার স্থাপনের জন্য আবেদন।

মহোদয়,

সম্মানপূর্বক বিনীত নিবেদন এই যে, আমাদের গোদাগাড়ী পূর্বপাড়ায় হাইস্কুল ও প্রাইমারি স্কুলের ছাত্র ছাত্রী সহ জনসংখ্যা প্রায় দুই হাজারের ওপরে। কিন্তু দুর্ভাগ্যের বিষয় হচ্ছে, এখানে কোন পাঠাগার নেই। ছাত্র-ছাত্রীদের জ্ঞানচর্চা, মানসগঠন ও সৃজনশীল চেতনা বিকাশে একটি পাঠাগার খুবই প্রয়োজন। এ ছাড়া এলাকায় দৈনিক পত্রিকা ও সাময়িক পত্র-পত্রিকা পড়ারও কোনো ব্যবস্থা নেই। এখানে একটি পাঠাগার হলে তরুণরাও তাদের অলস সময়কে জ্ঞানচর্চার মতো প্রয়োজনীয় কাজে ব্যয় করতে পারবে।

অতএব, গোদাগাড়ী পূর্বপাড়ায় সব বয়সের জনসাধারণের উপকারের কথা বিবেচনা করে অতিসত্বর এখানে একটি পাঠাগার স্থাপনের ব্যবস্থা গ্রহণের জন্য আপনাকে বিশেষভাবে অনুরোধ জানাচ্ছি।

নিবেদক

গোদাগাড়ী পূর্বপাড়ার জনসাধারণের পক্ষে

রোদেলা শারমিন

মো. হুমায়ন ফরিদ

প্রভাষক (বাংলা)

বাংলাদেশ ইন্টারন্যাশনাল স্কুল অ্যান্ড কলেজ

নির্বর, ঢাকা সেনানিবাস।

কথাসংখ্যা- ০১৭২৫৮৮৯৫১১

ভূতপূর্ব

প্রভাষক- ইম্পাহানী পাবলিক স্কুল ও কলেজ, কুমিল্লা সেনানিবাস

সহকারী শিক্ষক - পুলিশ লাইন্স স্কুল ও কলেজ, রংপুর

সহকারী শিক্ষক - সাভার ল্যাবরেটরি স্কুল